

«Respublica» партиясының идеологиялық бағдарламасы

Қазақстан озық нано-, био-, ақпараттық және когнитивтік технологияларға негізделген жаңа технологиялық құрылым дәуіріне аяқ басты. Цифрландыру өмірдің барлық саласының өзгеруіне әкелетіні аян. Тың технологиялар экономикалық және әлеуметтік процестерге бұрын-соңды болмағандай әсер ететіні даусыз. Жұмыспен қамтудың жаңа кәсіптері мен сипаттары пайда болып, еңбек бөлінісі мен кооперация тәсілдері өзгереді, желілік қауымдастықтар мен компаниялардың рөлі артады. Негізгі ұлттық ресурстар - адами капитал және сыртқы ортаның сын-қатерлеріне тез бейімделу қабілеті.

Жаңа ахуал барлық деңгейде, соның ішінде мемлекеттік тұрғыда ұйымдастыру, басқару және бақылау тәсілдерін түбегейлі өзгертуді талап етеді. Басқарушылық шешімдер қабылдаудың қолданыстағы тетіктері өз әлеуетін сарқығаны анық. Қазақ елі жаңарып-жаңғыруға мұқтаж.

Компьютерден атом электр станциясына немесе тұтас мемлекетке дейінгі кез-келген күрделі жүйені қайта жүктеу жұмыс істемейтін, тиімділігі төмен және өнімсіз түйткілдерден тазартылған жұмыс үдерістерін қайта бастау үшін қажет. Жаңа жағдайда өзінің ұстанымдарына адал күйі қасаң әрі ескірген қағидалардан бас тарта алатын, қалыптағыдан асып, күнделікті күйбең тірлік көкжиегінен тыс қарауға қабілетті адам жеңіске жетеді.

«Respublica» партиясы – бұл заманауи және жоғары технологиялық Ұлттық экожүйені құруды жақтайтын саяси күш. Біз сенімді, гүлденген және әділ елде – еркін адамдар елінде өмір сүргіміз келеді. Онда азаматтардың әрқайсы адал еңбек етіп, лайықты табыс таба алады, дені сау және білімді жастар өз елін мақтан тұтатын болады.

«Respublica» партиясы – бұл МЕТА-партия. Қоғамдық өмірдің барлық саласындағы құрылымдық өзгерістерге назар аударамыз. Біз жаңа Қазақстан адамдарымыз, цифрлық көшпенділерміз!

«Respublica» партиясы – бұл нақты қолынан іс келетін адамдар партиясы. Тәжірибелі және тиімді менеджерлерміз, таза іскерлік беделі бар көшбасшылармыз. Шенеуніктер емес, жасампазбыз. Әрқайсымыз мыңдаған жұмыс орындарын құруға қабілеттіміз. Әр жақтасымызда өзіндік табыс тарихы мен көптеген отандастарға өмірде өз орнын тауып, болашаққа сенімді күшейтуге көмектесетін қауқар бар.

I. БАҚЫТТЫ БОЛУҒА ӘРКІМНІҢ-АҚ БАР ТАЛАСЫ

Қазақстан табиғи ресурстарға бай және геоэкономикалық қолайлы орналасқан. Бірақ елдің шынайы байлығы - адамдар, адами капитал. Оған салынған инвестициялар білікті жұмыс күші, экономиканың дамыған салалары, елдің экономикалық өсуі түрінде еселене қайтарылады.

Постиндустриалды даму және инновациялық экономика ғасырында адами капитал кез-келген мемлекеттің негізгі бәсекелестік артықшылығына саналады. Адами капиталдың жоғары деңгейі жалпы ел үшін ғана емес, сонымен бірге әрбір нақты адам үшін экономикалық құндылыққа ие. Сапалы білім, дамыған soft skills, мықты денсаулық, мәдениеттің жоғары деңгейі адамның еңбек нарығындағы мүмкіндігін едәуір арттырады, табысын молайтады, лайықты өмір сүру деңгейін қамтамасыз етеді.

Адами капиталдың сапасына жауапкершілік бірнеше қоғамдық институтқа жүктеледі. Негізгі институт - отбасы. Дәл ата-аналар балаларының адами капиталының негізін қалайтынын түсінгені маңызды. Жауапкершілігі зор ата-ана дегеніміз де сол.

Мемлекет білім беру мен денсаулық сақтаудың қолжетімділігін қамтамасыз етуге, олардың сапа стандарттарын әзірлеуге, елдегі мәдениетті дамытуға жауапты. Мемлекет азаматтардың даму мен өзін-өзі жүзеге асыруға тең құқықтарын қамтамасыз етудің кепілі болып табылады.

Адами капиталды дамытудың маңызды институты бизнес болып есептеледі. Оның міндеттеріне адами капиталды дамыту және толыққанды іске асыру үшін жағдай жасау кіреді. Бұл қызмет - бизнестің әлеуметтік жауапкершілігі қағидасының іс жүзіндегі көрінісі.

Әлеуметтік инклюзия немесе «барлығына арналған қоғам»

Соңғы ширек ғасырда мемлекеттік құрылыстың негізгі әлемдік трендтерінің бірі - жынысына, жасына, білім деңгейіне, этникалық тегіне, әлеуметтік және физикалық мәртебесіне қарамастан, әркім белсенді қатысушысы болу үшін тең құқықтары мен мүмкіндіктері бар инклюзивті қоғамдар құру.

Инклюзивті қоғамның негізгі қағидаттарына адам құқықтары мен бостандықтарын құрметтеу және заңның сөзсіз үстемдігі жатады. Күшті азаматтық қоғамсыз және барлық деңгейдегі шешімдер қабылдау үдерісіне халықтың нақты қатысуынсыз инклюзия мүмкін емес.

Инклюзивті қоғамды «жоғарыдан» құру мүмкін емес. Бұл әлеуметтік, саяси, экономикалық қызметке қатысуға ынта-жігер қалыптастыру қабілетіне байланысты тікелей қоғамның жауапкершілігі. Осылайша жергілікті деңгейде болып жатқан тіршіліктен бастау керек.

Мемлекеттің қатысуы азаматтардың бастамаларын қолдауға, мемлекеттік құрылымдар қызметінің транспаренттілігі мен есептілігін қамтамасыз етуге, азаматтарға заңнамамен кепілдік берілген қызметтерге, игіліктер мен ресурстарға тең қол жеткізуді қамтамасыз етуге дайын екендігінде көрінеді.

Азаматтардың әлеуметтік құқықтарын қамтамасыз ету және қорғау тетіктерін белгілеу әрқашан қоғам мен мемлекеттің күш-жігерінің кооперациясының нәтижесі болып табылады.

Білім: тең мүмкіндіктер және тұрақты қолжетімділік

Сапалы және қолжетімді білім - әрбір тұлғаның әлеуетін іске асырудың басты құралы. Партия сапалы білім берудің негізгі қағидаты ретінде Қазақстан Республикасының аумағында тұратындардың барлығына «360° режимде 24/7» қолжетімділікті межелейді.

Біз еліміздің барлық білім беру институтын түбегейлі қайта жаңғырту қажет деп санаймыз. Азаматтар әлеуметтік-экономикалық жағдайына және тұрғылықты жеріне қарамастан тең мүмкіндіктерге мұқтаж. Орта білім беру ұйымдары адамның нақты әлемінде ғана емес, виртуалды кеңістікте де болып, бейресми білім көздерімен тиімді бәсекелесе білуі қажет.

Техникалық және кәсіптік білім беру елдің индустриялық дамуының негізі болуға тиіс. Партия техникалық және кәсіптік білім ұйымдарын еліміздің әрбір азаматы үшін қолжетімді дағдылар мен құзыреттердің нақты зертханаларына айналдыру қажет деп санайды.

Жоғары білім мен ғылым жүйесі экономикалық өсу мен инновациялық дамудың қуатты арқауы бола алады. Біз жоғары және жоғары оқу орнынан кейінгі білім беру ұйымдарын, ғылыми институттарды жаңа білімді, патенттерді және жоғары технологиялық өнімдерді шоғырландыру зертханасы ретінде қарастырамыз.

Елге әрбір азаматтың қажеттілігіне сай тұрақты жетілдіру мен бейімделудің жолға қойылған тетігі бар білім берудің бірегей қазақстандық моделі қажет. Біз жаңа қазақстандық білім саласын әлемдегі ең үздік он білім беру қатарынан көргіміз келеді.

Денсаулық үшін жауапты таңдау

Дені сау ұлт - елдің амандығы мен ұлттық қауіпсіздікті нығайтудың міндетті шарты. Мемлекеттің маңызды міндеті қалалық және ауылдық жерлерде сапалы, жоғары технологиялық медицинаға тең қолжетімділікті қамтамасыз ету болып табылады.

Медициналық қызметтердің жоғары сапасын сақтаудың маңызды шарттары - медицина қызметкерлерінің барлық санатын даярлауға тиімді тәсілдерді қолдану және медицина қызметкерлерінің лайықты еңбек жағдайын қамтамасыз ету.

Ғылыми кластердің дамуы, соның ішінде медицинадағы озық технологиялардың қанат жаюы өте маңызды. Жасанды сана мүмкіндіктерін пайдалану, телемедицинаны дамыту, күнделікті медициналық тәжірибелерді роботтандыру саланы дамытудың қуатты діңгегі бола алады.

«Ауырып ем іздегенше, ауырмайтын жол ізде» - бұл ұғым аурулардың алдын алуға бағытталған шаралар кешені ретінде денсаулық сақтау жүйесін дамыту қажеттілігіне көз жеткізеді. Бұл тұрғыда денсаулық сақтау медицинаға қарсы.

Салауатты ұлт құру азаматтардың денсаулығы, ең алдымен, әркімнің жеке жауапкершілігінде екенін мойындаудан басталады. Бұл тұрғыда мемлекеттің рөлі ағартуға, денсаулық сақтау ортасын құруға және халықты салауатты өмір салтын ұстануға ынталандыруға бағытталуға тиіс.

II. ТИІМДІ БАСҚАРУ - БҰЛ ӘРКІМГЕ ЖӘНЕ БАРШАҒА ҚАЖЕТ ӨРКЕНДЕУ ЖОЛЫ

III.

Мемлекеттік басқару тәсілдерін қайта қарау

Демократия - бұл халықтың ерік-жігерін білдіру, адам мен азаматтың құқықтары мен бостандықтарын сақтау, адал бәсекелестік және саяси күштер арасындағы ынтымақтастық. Демократия - бұл, ең алдымен, демократияның құндылықтары мен принциптерін іс жүзінде жүзеге асыруды қамтамасыз ететін үздіксіз жұмыс істейтін институттар мен механизмдер.

Демократиялық мемлекет бір немесе он адамның еркіне тәуелді бола алмайды және «қолмен басқару» режимінде жұмыс істемеуі керек. Мұндай тәртіп сөзсіз монополия мен сыбайлас жемқорлыққа, халық тарапынан сенімнің жоғалуына әкеледі.

Саяси басқару саласын жүйелік бұзылулардан қорғауға бизнесте сәтті қолданылатын және нақты және болжамды нәтижелер беретін басқару процесін алгоритмдеу қабілетті.

Жүйелілік немесе мемлекеттік басқару алгоритмінің бір түрі жоспарлауды, ұйымдастыруды және тікелей орындауды, қол жеткізілген нәтижелерге мониторинг пен бақылауды қоса алғанда, шешім қабылдау мен дайындаудың барлық кезеңдеріне қатысты көзделуге тиіс.

Басқарудың нақты және түсінікті тетіктері мемлекеттік сектордың «тиімділік аудитін» жүзеге асыруға және кейіннен мемлекет қызметінің тиімділігін арттыру жөнінде ұсыныстар әзірлеуге мүмкіндік береді.

Бірыңғай және түсінікті алгоритмдерде жұмыс істейтін мемлекеттік басқару биліктің тиімділігін, ашықтығы мен есептілігін қамтамасыз ететініне, азаматтардың саяси шешімдер қабылдау процестеріне тартылуына оң әсер ететініне сенімдіміз.

Экономиканың жаңа өлшемі - адамдардың әл-ауқатына баса назар аудару

Біз Қазақстанды жоғары технологиялық өнімнің жаһандық өндірушісіне айналдыру үшін ұлттық экономиканы құрылымдық трансформациялауға бастамашылық жасауға және іске асыруға ниеттіміз.

Қазақстанға жаңа технологиялар мен таланттар қажет. Еліміздің әрбір тұрғыны өз идеяларын түпкілікті өнімге іске асыру үшін жағдайлар мен мүмкіндіктерге ие болуы тиіс. Бұл жағдайда Партия тек халықтың дауысы ғана емес, сонымен бірге оның тұрақты көмекшісі.

Партияның экономикалық күн тәртібіндегі негізгі қағидаты «даму мүддесіндегі серіктестік» болып табылады. Біз өзімізді барлық тараптарды белсенді тарту есебінен елдің экономикалық өсуінің үдеткіші ретінде қарастырамыз.

Біз өз елімізді ғаламшардың әрбір тұрғыны үшін цифрлық резиденттік мүмкіндіктері бар әлемдік бизнес хаб ретінде көреміз. Осы мақсатта бізге өндірістің бүкіл өмірлік циклін толық цифрландыру және экономиканы басқарудың барлық деңгейлерінде деректер мәдениетін (data culture) енгізу қажет. Қазақстан - жаңа тартылыс орталығы, ашық мүмкіндіктер елі, цифрлық көшпенділер болуға мүмкіндік береміз.

Біздің бірегей мәдени мұрамыз және азаматтардың заманауи шығармашылық амбициясы еліміздің креативті экономикасын бүкіл әлемге танымал қазақстандық брендтің активаторына айналдыруға мүмкіндік береді.

Елдің дамуына елеулі үлес ауыл шаруашылығының дамуын қамтамасыз етеді. Қазақстанның әлемдік деңгейде азық-түлік қауіпсіздігін қамтамасыз ету үшін барлық табиғи ресурстары мен шарттары бар. Еліміздің ауыл тұрғындарының кәсіпкерлік белсенділігін ынталандыруға, ауыл шаруашылығы өнімдерін өндірудің озық технологияларын дамытуға және оларды жергілікті жерлерде қайта өңдеу бойынша жергілікті шағын зауыттар құруға бейімбіз.

Әрбір азаматтың әл-ауқатын арттыру мақсатында сауданы, адал бәсекелестікті дамыту және инновациялық тәжірибелерді енгізу үшін еліміздің барлық бірегей артықшылықтарын пайдалануымыз керек.

III. ҚАЗАҚСТАНДЫҚ БІРЕГЕЙЛІК - ЖАҒАНДЫҚ ӨРКЕНИЕТТІҢ ҚҰНДЫЛЫҒЫ

Еліміздің тарихи дамуының ерекшеліктері оның тұрғындарына өзін және әлемдік өркениеттегі ерекше рөлін іздеудің ішкі мәселелерін қояды. Жаһанданған әлемде жалғыз тұрақты бірегейлікке ие болу қиын, алайда біз қазақстандықтың бейнесін қалыптастыратын негізгі қасиеттердің тізбесіне сүйенеміз:

1. Бостандық рухы. Біз Азиядан бастап Еуропамен аяқталатын Ұлы даламыздың мұрагерлеріміз. Даланың кеңістіктік шексіздігі, көшпелі өмір салты және ұтқырлықтың жоғары деңгейі бізде шығармашылық батылдық, шығармашылық және кәсіпкерлік үшін қажетті шарт болып табылатын еркіндік рухын қалыптастырды.

2. Көпмәдениеттілік және икемділік. Біздің көпұлтты халқымыз бізге көпмәдениеттіліктің құндылықтары мен дағдыларын сіңіруге, кез-келген жағдайда икемді және бейімделгіш болуға, өзара құрмет пен сенім көрсетуге мүмкіндік берді.

3. Әділдікке ұмтылу және патриотизм. Біз ата-бабаларымыздың дана істерінің өнегесімен өстік. Халық фольклорында көрініс тапқан көшпелі қоғамның рөлдік модельдерінің бірегей құбылысы әрбір қазақстандықтың жүрегінде халқымыздың ғасырлық дәстүрлеріне қатыстылық сезімін және өзінің мұраттары мен құндылықтарын жан-жақты қорғауға дайындығын тәрбиелеген.

Партияның күн тәртібінде біз тарихи құндылықтарымызды қазіргі әлемнің шындығына бейімдей отырып, осы қасиеттердің қазақстандықтың тұтас бейнесінде дамуын қарастырамыз.

IV. МЕМЛЕКЕТІМІЗДІҢ МҮДДЕСІ ҮШІН

Біз әлемдік қоғамдастық өзара сыйластық пен сенім қағидаттарына, халықаралық қайшылықтарды шешуге күштік көзқарастардан бас тартуға негізделген өзара іс-қимыл жасауы тиіс екеніне сенімдіміз.

Ұлттық мүдделердің басымдығын мойындай отырып, біз сыртқы саясат саласындағы көпвекторлылық пен прагматизмді қолдаймыз.

Қазақстан қатысушысы болып табылатын интеграциялық бірлестіктер экономикалық өзара іс-қимыл шеңберінен шықпауға тиіс. Республиканың саяси егемендігі толық көлемде және жағдайдың кез келген дамуында сақталуға тиіс. Қазақстанның интеграциялық бірлестіктерге кіруі туралы шешім республикалық референдум өткізу барысында айтылған халықтың еркін еркі негізінде қабылдануға тиіс.

**«Respublica» партиясы» ҚБ
Төрағасы**

Ходжаназаров А.А.